

213

DE SCIENTIARVM
ARTIVMQVE INTER SESE NEXV
MVTVISQVE OFFICIIS
POEMATIVM
RAYMVNDI GVARINII.



Nec tua laudabis studia , aut alicna reprendes .

HORAT. Ep. Lib. 1.

MONITVM

De scientiarum inter se , artiumque nexu , mutuisque officiis , Poematium quaecumque deproperaturo , praefandi occasionem , praeter consilium , praebuit ANTONII NANYLAE , V. C. Theatrum Anatomicum ornatissimum , planeque singulare , ad quod invisendum , contemplandumque humaniter ille , amiceque pellexerat . Poematio deinde palam recitato apud Collegas Pontanianos , sollemni , ut mos est , indicta die , ad VII. Kal. Sextiles ; Viri mox laudati Alumnos nonnullos cupido incessit , ut illud a me impetrarent typis committendum in Praeceptoris sui obsequium . Quorum voluntati , accensissimoque in tantum Praeceptorem studio haud aequum visum est repugnare . Haec te volebam , ut ne ignorares . Vale .





AD ANTONIVM NANVLAM V. C.

ANATOMES PROFESSOREM

RAYMVNDVS GVARINIVS.

Te duce , te socio , dispexi , NANVLA , nuper ,
Dispexi et fluxae vitae stamina prima ,
De tenui leviter vix dependentia nexu ,
Stamina et interitus tacitas properantia in horas .
Obstupui , steteruntque comae . Subit ira deinde ,
Qui neget esse Deum , potuisse hunc luminis auras
Flatibus infecisse suis ! nihilo propiorem
Me sensique statim . Tum pallens auribus ista :
Dic sodes , quota in his tua , vel quae , NANVLA amice ,
Pars fuit ? Illorum anne opifex , aut arbiter ipse ? 10
Per longas curas , insanos atque labores ,
Quam modicum perscrutanti vidisse tributum est !
In quantis una mecum cunctaberis anceps ,
Si fortasse aliquis paullo imprudentius instet ?

Quem nunc dicemus , qui talia , tantaque fingit ,
Perque vices delet , reficit , simul alter et idem ,
Artificem referens , quem operis modo poenitet ; at nunc
Ecce retentat opus , quod fastidiverat ante ?
Te non plus ergo mirer , qui talia curas ,

Quam qui spectantem miratur divitis aulam , 20
 Inmemor artificis , quem praesensisse decebat :
 Demirrorque magis , qui vestris artibus ultra
 Esse Deum , stulti detrectant , quique fatentur ,
 Hos salsi rident . Aras , invicte , tuere ,
 Nam potes , arte tua ; me quando meta laboris
 Nunc alio revocat , tamen ut non prorsus agellum
 Deservisse tuum videar . Seges inde petenda ,
 Et satis ampla mihi , etsi non pro munere vires .
 Pars homini duplex : caelo quae proxima , prima
 Cura mihi ; propior quae terrae , cura secunda. 30

Legibus , ingenio , studio primum omnia nobis
 Obiecit Natura sagax utenda , fruenda ,
 Queis hoc ante oculos positum quodcunque movetur ,
 Hoc quodcunque vides . Divini luminis experts ,
 Si cui mens alia est animi , et sententia discors ,
 Quem damnat ratio , et sibimet mens conscia damnat ,
 Imperiis dum cuncta suis aptare laborat .
 Nil tale in brutis : naturam quaeque sequuntur
 Paucis contenta , et quae ultro natura ministrat
 Et ventri , et Veneri addictis , quin usquam in utroque 40
 A prima iussas frustrentur origine leges .

Propositus labor est homini . Labor omnia vincit ,
 Si prudens operi nunquam patientia desit .
 Vita labore tibi toleranda , iuvanda labore est ,
 Ex quo Telluri vetitum , producere fruges
 Sponte sua , et quodcunque hominum foret usibus aptum .

Arvorum hinc primo mentem subit aspera cura ;
 Pone bovum , atque ovium , miserae quo pabula vitae
 Sufficiant , tegmen membris , sociique laborum .

Quaesiti astrorum cursus , et tempora certa , 50
 Et Lunae , Solisque viae , quo tradere sulcis
 Semina , et expediat telluri immittere plantas ,
 Ne sua sollicitum frustrentur vota colonum ,
 Quem circumspiciat nequicquam alimenta reposcens
 Defixis oculis tenera cum coniuge natus.

Difficiles morbi , contagia dira hominumque ,
 Et pecoris , medicas docuerunt ire per artes ,
 Viscera rinari , membrorumque abdita ab imis
 Sollerti studio penitus reserare latebris ,
 Si tandem notis illorum occurrere causis 60
 Possent herbarum succo , aut aliunde petito
 Auxilio. Campos partiri limite adegit
 Seguities hominum per multa pericula rerum.
 Illa sui parcens , alienas undique messes ,
 Fructusque invadens , turbabat viribus audax
 Omnia ; paucorum nec erat , vi pelli multos .
 Omnibus idem animus , fucos extrudere inertes :
 In sua quemque , suo pro iure , utique , fruique .
 Quod placitum paucis , quos Jupiter aequus amavit ,
 Poenarumque metu saucitum , protinus omnes 70
 Amplexae Gentes , genio , cultuque ferino
 Sepositis ; nec quisquam ausus tunc hiscere contra .
 Urget quippe Dei vindex praesentia corda ,
 Ferrea corda licet , quam nondum prima ferebat
 Excussisse aetas animo . Tum , pace sequestra ,
 Ludere vel tenui circum rate litora Ponti
 Retia distendens , uncas aut piscibus hamos
 Obiectans ; pelagi donec fiducia maior ,
 Remis abiectis , velata excurrere pinu

Impulit ulterius , nec notas hactenus Orbis 80
 Explorare plagas . Peregrinis anxius exhioc
 Divitiis inhians , queis illius ebria quamvis,
 Improba non animi tamen exsaturata cupido ,
 Irruit in luxum praeceps , et qualibus uti ,
 Si vellet , poterat , ratione , modoque retentis ,
 Maluit ille frui prave. Quaesita subinde
 Lenimenta gulae , vestes , caelataque vasa
 Ex ebore , argento , et quod utroque est carius , auro.

Mox , quae demissos animos , defessa labore 90
 Corpora , per Divum laudes , et honesta virorum
 Facta , relevabant numeris , pictisque tabellis ,
 Vel cantu , aut cithara , paullatim flectere visae
 Artes in vetitum , quod honesta exhorreat auris ,
 Horrescant oculi , mens et meminisse recuset.

Sed caveas , artes traducere crimine tali .
 Artifici stat id omne suo , qui pulcra pudendis
 Miscuit imprudens , quem damnant fasque , decusque .
 Cui famulari Artes , aequum est , illudere , iniquum ,
 Quod vitium Patris , nati si praelia miscent ,
 Oblitque sui generis , positoque pudore , 100
 Indulgent stulti gancis , censumque profundunt ?

Vulnera qui tractat , Medicos contemnere vidi ;
 Odisse et Medicos vidi , qui vulnera tractat.
 Stultus hic , atque alter , socias qui dividit artes ,
 Quae prodesse simul , distractae occidere possunt.
 Odit utrumque una iuris , legumque peritus .
 Quem si praevalida cum febre quatit male tussis ,
 Aut luxato humero , pede , crure , manuve payentem
 Circumstent nati , nataeque , et flebilis uxor ,

Supplicet alterutri miser , et gemitundus , oportet . 110

Causidico rursus medicorum ~~industria~~ ^{industria} sacpe
Praestat opem , cum de properato funere lis est ,
Quod vulnus fecit , seu vis occulta veneni .

At si vicinus , dimoto limite , furtim
Decurtavit agrum , aut pulsa formidine mortis ,
Solvere distulerit sibi , quod promiserat aeger ;
Causidici heu ! quoties pulsaverit ostia supplex ,
Praesidium legum sancte experturus uterque !

Qui nova sectantur , mordent quodcunque vetustum est,
Et solos se scire volunt , quod carpere norint , 120

Qui nil pro semet dicat , nec dicere possit .
At nostrae augentur , maneat si copia prisca ,
Non minuuntur opes , proprio sudore paratae .

Utile sectari tantum se velle , reponunt ,
Hoc memores , sibi quod brevis est usura dici .
Sectenturque , licet per nos , semperque licebit .
Hi tamen edicant , sibi quidnam est utile tandem ?

Utile namque , animum quodcunque alit , esse putatur .

Quod si proposita est regina pecunia sola ,
Dediscant artes , quarum piget , arvaeque sulcent ; 130
Aut mercentur olus , pecudes , et aromata vili ,
Quae vendant caro , sapienti denique si quid
Differt mercator , vilisque ancilla patrona .

Atqui ego novi homines , quorum miseretque , pudetque.
Anne alicunde novi , vacuas quod vellicet aures ?

Unam Mater habet Natam ; Patri unicus extat
Filius . Uxorem ducit Natam Pater : indeque Matrem
Filius . Ecce tibi , qui Filius , et Socer idem
Fit Patris . Et Matris iam filia facta Noverca est .

Vir natae interea sit Vitricus ipse Novercae. 140

Connubio quanta in duplici conversio rerum!

Atqui ego dicturos rebar, quod miror omissum,

Prae Nata, talos melius iecisse Parentem.

Rursus: heri talone stetit, dic, fabula recto?

An cecidit? quanti qui primas, quique secundas

Egit, habendus? utrum prae Phyllide, doctius Aegle

Saltet, vel clunes moveat? qua voce Theatrum

Plenius intonuit, cui plaudat Iupiter altus?

Haec illis mira, haec narratu digna videntur.

Hoc illis scire est unum, dum caetera sordent, 150

Utiliusque nihil. Per prandia, perque tabernas

Haec agitant, nec raro inter se iurgia miscent,

Qualia Priamiden, generosum atque inter Achillem.

Quorum commendem studium, modo ne modus absit,

Nec praestare velint aliis, ut Simia natos,

Quod sui erant, cunctis hoc praelucere volebat.

Omnia te vidisse neges, aut posse videre:

Pleraque viderunt veteres. Maiora videbit

Posteritas, incoeporum contraria fata

Ni modo, ni remorentur iter, cursusque retardent. 160

Gens non ulla tamen, nullis ignoscere sueta,

Quam quae puncta, apices, chartis inducere tractus

Rectos, incurvos didicit, vel utrinque reductos.

Cuncta patere sibi putat uni, spernit et omnes,

Ut qui ructanti stomacho meliora recusat.

Paucorum id vitium; fateor: tamen intolerandum,

Et quod quisque olim civili emolliat usu.

Atqui se parvo in stadio decurrere, discant,

Corpora si praeter, nihil hi profitentur et ultra.

Quorum et in his etiam quota pars? tantilla profecto, 170
 Quae semota locis, et rebus, *quanta* vocatur,
 Et nusquam est, animo tantum contenta teneri.
 Multa sine his, dederò, nequeunt consistere recte:
 Ista tamen remove; quid noscere proderit illa?
 Num non corpus olet? quid, si sapit? unde vel album,
 Aut nigrum? intentas sonitu cur verberat aures?
 Cur durum, aut fluidum? in motu positum, ane quietum?
 Quae motus certae leges? quae porro quietis?
 Vivens, an brutum? vivo et quam vivere vitam
 Ille dedit, secum qui singula, singula toti 180
 Innectit, totumque homini concessit habendum?
 Plantae etenim vivunt, vivunt animalia quaevis,
 Et vitae, et mortis, morborum et magna in utrisque
 Et cura, et ratio, et cultus non parvus habendus.
 Quae, nisi delirent, aliis tractanda relinquunt,
 Tutenturque suos, alienis parcere docti
 Finibus, aut hominum prorsus consortia vitent.
 Pacis amans Deus est. Pacem venerentur et Artes
 Una, atque Artifices. Verum sectantur ubique,
 Aut pulcrum; nec pulcris vera, aut pulcra decoris 190
 Revera pugnant, auctor quibus omnibus idem,
 Et pulcri et veri fons primus, sanctaque norma.
 Non aliam ob causam cognatas sanguine Musas
 Fecerunt Vates, quarum altera in alterius rem,
 Denique conspirat sancte, et coniurat amice.
 Usibus hae praesunt vitae, quæis nemo carebit,
 Donec constiterit mens sana in corpore sano.
 Fessos hae relevant animos, minuuntque labores:
 Exercent aliae corpus: cum corpore mentem

Exercent aliae , brütis qua animantibus unus 200
 Praestat homo , similisque Deo , Divumque voluptas ,
 Cui , pecori , arboribus , terrae , pontoque praesse ,
 Sorte datum , donec mortali vescitur aura .

Unius ut non uni eiusdem corporis artus ,
 Membraque non eadem , toti tamen omnia semper
 Apta , quibus , salva vita , salvoque decore ,
 Non careat quivis ; nililo tu secius artes ,
 Sint quaecunque licet , reputes . His foedera vitae
 Humanae constant , vitae et socialia vincla .
 Artes hinc abigas , hinc paullum literae et absint : 210
 Sorte quid humana gravius , vel foedius usquam ?

Scribenti in primis non uno hausisse , sat est ,
 De fonte , aut rivo , sit quamvis plenus uterque .
 Exigui semper , tantum qui propria nosse
 Contenti , ignorant aliena , aut temnere fingunt ,
 Quorum si scirent usum , quantumqua iuvandis
 Apta suis rebus sint , deproperare libellos
 Desinerent uno victuros mense , vel hora .
 Tyndaridae Zeuxis cupiens exprimere formam , 220
 Non satis ex una duxisse exempla puella ,
 Autumat : in multis , toto etsi de grege lectis ,
 Haeret defixus , quodque in quaque eminet , optat .
 Sic tibi lector erit , tanquam conviva , nec uno
 Donandus vino , donandus pulte nec una ,
 Quois meliora domi fortassis et ipse recondit .
 Si tibi propositum sit , delectare docendo ,
 Haec praecepta memor teneas , multusque revolvās .

Talia sed frustra tibi commemorasse laborem ,
 Si vires non ante tuas expenderis ipse ;

Nam tua , non alios refert , te noscere recte . 230
 Adspice , quanta patet moles , et quale theatrum !
 Partem unam , fortasse aliam , tamen omnibus impar ,
 Sedulus implebis , cavea plaudente . Sed utrum
 Oedipus , an Davus procedas , inspice cautus ,
 Ne risum tollat spectatum admissa caterva .
 Quo natura vocat , nec enim ingenium omnibus unum est ,
 Intentus sequere , effossos , quo more , sequaces
 Consectantur aquae cursus . Aliena probato ;
 Arya tamen colito ipse tua , assiduusque repurges .
 Sic tibi non tenuis continget gloria , quanquam 240
 Sit labor in tenui . Nec enim subiecta magistrum
 Commendat res , ast artis ratioque , modusque .
 Nec tu laudari festines . Tarda merentem
 Consequitur laus , certa tamen , fortasse perennis .
 Et laudatorem potius , quam laudis aveutem
 Esse volo , ut procul invidia , lucreris amicos .
 Aequum sic animum in cunctis servare licebit ,
 Quo sine , quid tandem morituro caetera prosunt ?
 Quod vitam hanc alit , et quidquid sub Sole movetur ,
 Tu nihil esse , putes . Sectari aeterna , Deumque 250
 Quaesisse ante omnes , una , et sapientia prima est .
 Religio *veri* , et *pulcri* fons primus , et unus ,
 Quo clauso , *pulcri* lutulentos currere primum ,
 Dein *veri* videas (frustra et mirabere) rivos .
 Nec mora : continuo doleas , arescere utrosque .
 Qui sapiunt aliter longe diversa sequentes ,
 Adsimiles illi , repetens qui patria tecta ,
 Et patris amplexus , mansuraque gaudia vitae ,
 Haeret iter faciens , illinc cunctatus , et istinc ,
 Et sua , circum aliena stupens , vesanus omittit .
 Detinuique satis te , NANULA . Vive , valeque .

